



Inatsisartunut ilaasortaq Aleqa Hammond
maani

Inatsisartut Suleriaasianni § 37 naapertorlugu apeqqummut akissut

6. maj 2011

Aallaqqaasiutigalugu ajuusaarutigaaara akissuteqarnissamut piffissaliussa qeqortinneqanngimmat. Tamatumunnga pissutaasoq akissuteqarnissamut atugassanik paasisutissanik arlaqartunik Kalaallit Nunaanni Pinerluttunik Isumaginnittoqarfimmut aamma Nunatta Eqqartuussivianit Naalakkersuisut pissarsiniaqqaartariaqarsimanerat.

Postboks 1614
3900 Nuuk
Tlf. (+299) 34 50 00
Fax (+299) 32 52 86
E-mail: nnpan@nanoq.gl
www.nanoq.gl

Kalaallit Nunaanni Pinerluttunik Isumaginnittoqarfiup ilisimatitsissutigaa isertitsivinni atornerluinermut katsorsartitsisalernissamik suliaasaq massakut suliariumannittusarsiuunneqartoq. Eqqarsaatigineqarpoq atornerluinermut katsorsartinnissaq siullermik Nuummi Ilulissanilu isertitsivimmiittunut neqeroorutigineqassasoq. Taamaattorli Nunatsinni isertitsivimmiittunut tamanut neqeroorut atuutissaaq.

Pinerluttulerinermut inatsit nutaaq naapertorlugu piffissaa killiligaanngitsumik isertitsivimmut inissinneqartussanngorlugit pineqaatissinneqarlutik eqqartuunneqartut aallaavittut eqqartuunneqartarput Kalaallit Nunaanni isertitsivimmut ininneqartussanngorlugit.

inussiarnersumik inuullaqquusilluta

Anthon Frederiksen